

唐
音
統
籤

戊籤一杜牧之三

唐音統籤卷

五百五十五

五言律詩一 正集

自貽

杜陵蕭次君遷少去官頻寂寞憐吾道依稀似古人
飾心無彩績剗骨是風塵自嫌如足素刀尺不
由身

遣興

鏡裏白髭須如何作老夫浮生長勿勿兒小且鳴
鳴忍過事堪喜泰來憂勝無治平心徑熟不遣有

窮途

有字下得好
心有之也

早秋

疎雨洗空曠秋標驚意新
大熱去酷吏清風來故人
罇酒酌未酌曉花嘖不嘖
銖秤與縷雪誰覺老

陳陳

秋思

熱去解鉗鈇飄蕭秋半時
微雨池塘見好風襟袖
知髮短梳未足枕涼閒
且歌平生分過此何事不

參差

言只此不參差也

閨情

娟娟却月眉新髻學鵬飛
暗飭勻檀粉晴窓晝夾

衣袖紅垂寂寞眉黛歛依稀還向長陵去今宵歸
不歸

舊遊

閒吟芍藥詩悵望久頓眉盼眄迴眸遠纖摻整鬢
遲重尋春晝夢笑把淺花枝小市長陵佳非郎爭
得知

秋晚與沈十七舍人期遊樊川不至

邀侶以官解泛然成獨遊川光初媚日山色正矜
秋野竹疎還密巖泉咽復流杜村連滴水晚步見
舊鉤

憶遊朱坡四韻

秋草樊川路斜陽覆蓋門獵逢韓嫣騎樹識館陶
園帶雨經荷沼盤煙下竹村如今歸不得自戴望
天盆

途中作

綠樹南陽道千峰勢遠隨碧溪風澹態芳樹雨餘
姿野渡雲初暖征人袖半垂殘花不一醉行樂是
何時

不一醉一作不足醉

秋晚早發新定

解印書千軸重陽酒百缸涼風滿紅樹晚月卜秋

江巖壑會歸去塵埃終不降懸纓未敢濯嚴瀨碧
淙淙

揚州三首

內一首
排律

煬帝雷塘土迷藏有舊樓誰家唱水調明月滿揚
州

煬帝開汴渠
成自作水調

駿馬宜閒出千金好暗遊喧闐醉

年少半脫紫茸裘

秋風放螢苑春草闌鷄臺金絡擎鵬去鸞環拾翠
來蜀船紅錦重越橐水沉堆處處皆華表惟王柰
却迴

街垂千步柳霞映兩重城天碧臺閣麗風涼歌管

清纖腰間長袖玉珮雜繁纓拖軸誠爲壯豪華不
可名自是荒淫罪何妨作帝京

睦州

州在釣臺邊溪山實可憐有家皆掩映無處不潺
湲好樹鳴幽鳥晴樓入野煙殘春杜陵客中酒落
花前

罷鍾陵幕吏十三年來泊湓浦感舊爲詩

青梅雨中熟檣倚酒旗邊故國殘春夢孤舟一褐
眠搖搖遠堤柳暗暗十程煙南秦鍾陵道無因似
昔年

襄陽雪夜感懷

往事起獨念飄然自不勝前灘急夜響密雪映寒
燈的的三年夢迢迢一綫緗明朝楚山上莫上最
高層

憶齊安郡

平生睡足處雲夢澤南州一夜風欺竹連江雨送
秋格卑常汨汨力學強悠悠終掉塵中手瀟湘釣
漫流

題白蘋洲

山鳥飛紅帶亭薇拆紫花溪光初透徹秋色正清

華靜處知生樂喧中見死誇無多珪組累終不負
煙霞

茶山下作

春風最窈窕日曉柳村西嬌雲光占岫健水鳴分
溪燎巖野花遠憂瑟幽鳥啼把酒坐芳草亦有佳
人攜

題揚州禪智寺

雨過一蟬噪飄蕭松桂秋青苔滿階砌白鳥故遲
留暮藹生深樹斜陽下小樓誰知竹西路歌吹是
揚州

丹水

何事苦縈迴離腸不自裁恨身隨夢去春態逐雲
來沉定藍光徹喧盤粉浪開翠巖三百尺誰作子
陵臺

春日茶山病不飲酒因呈賓客

笙歌登盡船十日清明前山秀白雲膩溪光紅粉
鮮欲開未開花半陰半晴天誰知病太守猶得作
茶仙

早春贈軍事薛判官

雪後新正半春來四刻長晴梅朱粉豔嫩水碧羅

光絃管開雙調花鈿坐兩行唯君莫惜醉認取少年場

不飲贈官妓

芳草正得意汀洲日欲西無端千樹柳更拂一條谿幾朶梅堪折何人手好攜誰憐佳麗地春恨却悽悽

早春閣下寓直蕭九舍人亦直內署因寄書懷四韻

御水初銷凍宮花尚怯寒千峰橫紫翠雙闕凭欄干玉漏輕風順金莖淡日殘王喬在何處清漢正

驂鸞

夜泊桐廬先寄蘇臺盧郎中

水檻桐廬館歸舟繫石根
笛吹孤戍月犬吠隔溪村
十載違清裁幽懷未一論
蘇臺菊花節何處與開罇

初春有感寄歙州邢員外

羣詩見
已籤內

雪漲前溪水啼聲已繞灘
梅衰未減態春嫩不禁寒
跡去夢一覺年來事百般
聞君亦多感何處倚欄干

除官行至昭應聞友人出官因寄

賤子來千里明公去一麾可能休涕淚豈獨感恩
知草木秋風後山川落照時如何望故國驅馬却
遲遲

江上雨寄崔碣

春半平江雨圓文破蜀羅聲眠蓬底客寒濕釣來
簑暗澹遮山遠空濛着柳多此時懷舊恨相望意
如何

寄崔鈞

緘書報子玉爲我謝平津自愧掃門士誰爲乞火
人詞臣陪羽獵戰將騁駢鄰兩地差池恨江汀醉

送君

代吳興妓春初寄薛軍事

霧冷侵紅粉春陰撲翠鈿
自悲臨曉鏡誰與惜流年
柳暗霏微雨花愁黯淡天
金釵有幾隻抽當酒家錢

送容州唐中丞赴鎮

交趾同星座龍泉似

一作佩

斗文燒香翠羽帳看舞

鬱金裙鷁首衝瀧浪犀渠拂嶺雲
莫教銅柱北空說馬將軍

東都送鄭處誨校書歸上都

悠悠渠水清
雨霽洛陽城
僅墮初開艷
蟬聞第一聲
故人容易去
白髮等閒生
此別無多語
期君晦盛名

池州春送前進士蒯希逸

芳草復芳草
斷腸還斷腸
自然堪下淚
何必更殘陽
楚岸千萬里
燕鴻三兩行
有家歸不得
况舉別君觴

句溪夏日送盧霽秀才歸王屋山將欲赴舉
野店正分泊
蘭蠶初引絲
行人碧溪渡
繫馬綠楊枝
冉冉跡始去
悠悠心所期
秋山念君別
惆悵桂

花時

栽竹

本因遮日種却似爲溪移歷歷羽林影踈踈煙露
姿蕭騷寒雨夜敲劬晚風時故國何年到塵冠挂
一枝

梅

輕盈照溪水掩斂下瑤臺如雪聊相比欺春不逐
來偶同佳客見似爲凍醪開若在秦樓畔堪爲弄
玉媒

鶴

清音迎晚月愁思立寒蒲丹頂西施頰霜毛四皓
鬚碧雲行止躁白鷺性靈麤終日無羣伴溪邊弔
影孤

西施頰紅迺爾耶此等詩
定在櫛焚中裴甥誤益耳

鸚鵡

華堂日漸高雕檻繫紅綃故國隴山樹美人金翦
刀避籠交翠尾罅嘴靜新毛不念三緘事世途皆

爾曹

鴉

擾擾復翻翻黃昏颺冷煙毛欺皇后髮聲感楚姬
絃蔓壘盤風下霜林接翅眠祗如西旅樣頭白豈

無緣

鵲鵲

芝莖抽糾趾清唳擲金梭日翅閒張錦風池去習
羅靜眠依翠竹暖戲折高荷山陰豈無爾爾字換
群鵲

戊籤一杜牧之四

唐音統籤卷

五十六

五言律詩二

續補

吳宮詞

見范石湖吳郡志

越兵驅綺羅越女唱吳歌
宮燼花聲少臺荒麋跡多
茱萸垂曉露菡萏落秋波
無遣君王醉滿城
嘯翠娥

香逕遶吳宮千帆落照中
鵲鳴山苦雨魚躍水多風
城帶晚莎綠池連秋蓼
紅當年國門外誰信伍員忠

書事

自笑走紅塵流年舊復新東風半夜雨南國萬家
春失計拋魚艇何門化涸鱗是誰添歲月老却暗
投人

偶題二首

勞勞千里身襟袂滿行塵深夜懸雙淚短亭思遠
人蒼江程未息黑水夢何頻明月輕橈去唯應釣
赤鱗

有恨秋來極無端別後知夜闌終耿耿明發竟遲
遲信已憑鴻去歸唯與燕期只應明月見千里兩
相思

春懷

年光何太急倏忽又青春
明月誰家主江山暗換
人罵花潛運老榮樂漸成
塵遙憶朱門柳別離應
更頻

春思

豈君心的的嗟我淚涓涓
綿羽啼來久錦鱗書未
傳獸爐凝冷焰羅幕蔽晴煙
自是求佳夢何須訝
晝眠

秋日偶題

荷花兼柳葉彼此不勝秋
玉露滴初泣金風吹更

愁綠眉甘棄墜紅臉恨飄流歎息是游子少年還
白頭

秋夢

寒空動高吹月色滿清砧殘夢夜魂斷美人邊思
深孤鶴秋出塞一葉暗辭林又寄征衣去迢迢天
外心

秋岸

河岸微退落柳影微彫踈舩上聽呼櫂堤南趁漉
魚數帆旗去疾一艇箭迴初曾人相思夢因憑附
遠書

曉望

獨起望山色水雞鳴
蓼洲房星隨月曉
楚木向雲秋
曲渚疑江盡
平沙似浪浮
秦原在何處
澤國碧悠悠

寢夜

蛩唱如波咽更深似水寒
露華驚弊褐燈影挂塵冠
故國初離夢前溪更下灘
紛紛毫髮事多少宦遊難

夜雨

九月三十日雨聲如別秋
無端滿階葉共白幾人

頭點滴侵寒夢蕭騷著淡愁漁歌聽不唱蓼濕棹
迴舟

愁

聚散竟無形迴腸自結成古今留不得離別又潛
生降虜將軍思窮秋遠客情何人更憔悴落第泣
秦京

書情

誰家洛浦神十四五來人媚髮輕垂額香衫軟着
身摘蓮紅袖濕窺淥翠蛾顰飛鵲徒來往平陽公
主親

早行

垂鞭信馬行數里未鷄鳴林下帶殘夢葉飛時忽
驚霜疑孤鶴迥月曉遠山橫僮僕休辭險時平路
復平

晚泊

帆濕去悠悠停橈宿渡頭亂煙迷野岸獨鳥出中
流蓬雨延鄉夢江風阻暮秋儻無身外事甘老向
扁舟

旅宿

旅館無良伴凝情自悄然寒燈思舊事斷鴈警愁

月
系
眠遠夢歸侵曉家書到隔年湘江好煙月門繫釣
魚船

旅情

窓虛枕簟涼寢倦憶瀟湘山色幾時老人心終日
忙松風半夜雨簾月滿堂霜匹馬好歸去江頭橘
正香

別懷

相別徒成泣經過總是空勞生慣離別夜夢苦西
東去路三湘浪歸程一片風他年寄消息書在鯉
魚中

憶歸

新城非故里終日想柴扃
興罷花還落愁來酒欲醒
何人初髮白幾處亂山青
遠憶湘江上漁歌對月聽

早秋客舍

風吹一片葉萬物已驚秋
獨夜他鄉淚年年爲客愁
別離何處盡搖落幾時休
不及磻溪叟身閒長自由

秋晚江上遣懷

孤舟天際外去路望中賒
貧病遠行客夢魂多在

家蟬吟秋色樹鴉噪夕陽沙不擬徹雙髻他方擲
歲華

并州道中

行役我方倦苦吟誰復聞戍樓春帶雪邊角暮吹
雲極目無人迹迴頭送鴈羣如何遣公子高卧醉
醺醺

金陵

見景定
建康志

始發碧江口曠然諸遠心風清舟在鑑日落水浮
金瓜步逢潮信臺城過鴈音故鄉何處是雲外卽
喬林

經闔閭城

遺蹤委衰草行客思悠悠昔日人何處終年水自流
孤煙村戍遠亂雨海門秋吟罷獨歸去煙雲盡
慘愁

山寺

峭壁引行徑截溪開石門泉飛濺虛檻雲起漲前
軒隔水看來路踈籬見定猿未閑難久住歸去復
何言

逢故人

年年不相見相見却成悲教我淚如霰嗟君髮似

絲正傷攜手處况值落花時莫惜今宵醉人間忽忽期

逢故人

故交相見稀相見倍依依塵路事不盡雲巖閒好歸投人銷壯志徇俗變真機又落他鄉淚風前一滿衣

漁父

白髮滄浪上全忘是與非秋潭垂釣去夜月叩船歸煙影侵蘆岸潮痕在竹扉終年狎鷗鳥來去且無機

忍死留別獻鹽鐵裴相公二十叔

賢相輔明主蒼生壽域開青春辭白日幽壤作黃
埃豈是無多士偏蒙不棄才孤墳三尺土誰可爲
培栽

贈張祜

詩韻一逢君平生稱所聞粉毫唯盡月瓊尺只裁
雲鯨陣人人懾秋星歷歷分數篇留別我羞殺李
將軍

貽友人

自是東西客逢人又送人不應相見老祇是別離

頻度日還知暮平生未識春
儻無遷谷分歸去養天真

送王十至褒中因寄尚書

關下經年別人間兩地情
壇場新漢將煙月古隋
城鴈去梁山遠雲高楚岫明
君家荷藕好緘恨寄遙程

將出關宿層峰驛却寄李諫議

孤驛在重阻雲根掩柴扉
數聲暮禽切萬壑秋意
歸心馳碧泉澗目斷青墳闌
明日武關外夢魂勞遠飛

寄李播評事

子列光殊價明時忍自高寧無好舟楫不汎惡風
濤大翼終難戢奇鋒且自韜春來煙渚上幾淨雪
霜毫

書懷寄瀘州守

謝山南畔州風物最宜秋太守懸金印佳人敞畫
樓凝缸暗醉夕殘月上汀洲可惜當年髻朱門不
得遊

春日寄許渾先輩

薊北鴈初去湘南春又歸水流滄海急人到白頭

月三糸金
稀塞路盡何處我愁當落暉終年接簪鷺霄漢共
高飛

初上船留寄

煙水本好尚親交何慙淒況爲珠履客卽泊錦帆
堤沙鴈同船去田鴉遶岸啼此時還有味必卧日
從西

送劉三復郎中赴闕

橫溪辭寂寞金馬去追遊好是鴛鴦侶正逢霄漢
秋玉珂聲瑣瑣錦帳夢悠悠微笑知今是因風謝
釣舟

送張判官歸兼謁鄂州大夫

處士聞名早遊秦獻疏迴腹中書萬卷身外酒千
盃江雨春波濶園林客夢催今君拜旌戟凜凜近
霜臺

後池泛舟送王十秀才

城日晚悠悠絃歌在碧流夕風飄度曲煙嶼隱行
舟問拍擬新令憐香占彩毬當筵雖一醉寧復緩
離愁

送友人

十載名兼利人皆與命爭青春留不住白髮自然

生夜雨滴鄉思秋風從別情都門五十里馳馬逐
雞聲

長安夜月

寒光垂靜夜浩彩滿重城萬國盡分照誰家無此
明古槐疎影薄仙桂動秋聲獨有長門裏蛾眉對
曉晴

雲

東西那有礙出處豈虛心曉入洞庭濶暮歸巫峽
深渡江隨鳥影擁樹隔猿吟莫隱高唐去枯苗待
作霖

題劉秀才新竹

數莖幽玉色曉夕翠煙分聲破寒窓夢根穿綠蘚
紋漸籠當檻日欲礙入簾雲不是山陰客何人愛
此君

別鶴

分飛共所從六翮勢催風聲斷碧雲外影孤明月
中青田歸路遠丹桂舊巢空矯翼知何處天涯不
可窮

杜鵑

杜宇竟何冤年年叫蜀門至今銜積恨終古弔殘

魂芳草迷腸結紅花染血痕山川盡春色嗚咽復誰論

聞蟬

火雲初似滅曉角欲微清故國行千里新蟬忽數聲
時行仍髣髴度日更分明不敢頻傾耳唯憂白髮生

五言小律

並正集

臺城曲二首

整整復斜斜隨旗簇晚沙門外韓擒虎樓頭張麗華
誰憐容足地却羨井中鼃

王頌兵勢急鼓下坐蠻奴湫澀倪塘水又牙出骨

鬚乾蘆一炬火廻首是平蕪

隋書王頌僧辨子以父爲陳武帝所殺伐

陳之役請從韓擒虎以行掘武帝陵見帝鬚本出骨中不落燒骨取灰投水飲之以報怨陳武萬安陵在今建業城東二十五里倪塘通秦淮近陵水也地名亦見武帝紀蠻奴陳將任忠小字降擒虎引之人

臺城者

池州廢林泉寺

此下三詩皆會昌廢寺時作

廢寺林溪上頽垣倚亂峰看栖歸樹鳥猶想過山
鐘石路尋僧去此生應不逢

還俗老僧

雪髮不長寸秋寒力更微獨尋一徑葉猶挈納殘

唐詩集
衣日暮千峰裏不知何處歸

斫竹

寺廢竹色死官家寧爾留霜根漸隨斧風玉尚敲
秋江南苦吟客何處送悠悠

戊籤一杜牧之五

唐音統籤卷

五百五十七

五言排律

少年行

以下正集

官爲駿馬監職帥羽林兒
兩綬藏不見落花何處
期獵敲白玉鐙怒袖紫金鉞
田實長留醉絲辛曲
讓岐豪持出塞節笑別遠
山眉捷報雲臺賀公卿
拜壽卮

自遣

四十已云老况逢憂窘餘
且抽持板手却展小年
書嗜酒猶嫌阮知非晚笑
蘧聞流寧歎吒待俗不

親疎遇事知裁剪操心識卷舒還稱二千石於我
意何如

昔事文皇帝三十二韻

昔事文皇帝叨官在諫垣奏章爲得地辭齒負明
恩金虎知難動毛釐亦耻言捺頭雖欲墮到口却
成吞照膽常懸鏡窺天自戴盆周鍾旣寵櫛賧陣
亦癡痕鳳闕觚稜影仙盤曉日瞰雨晴文石滑風
暖戟衣翻每慮號無告長憂駭不存隨行唯跼蹐
出語但寒暄宮省咽喉任戈矛羽衛屯光塵皆影
附車馬定西奔億萬持衡價錙銖挾契論堆時過

北斗積處滿西園接棹隋河溢連蹄蜀棧利漉空
滄海水搜盡卓王孫鬪巧猴雕刺誇趨索挂跟狐
威假白額梟嘯得黃昏馥馥芝蘭圃森森枳棘藩
吠聲嗾國猢猻公議怯膺門竄逐諸丞相蒼茫遠帝
關一名爲吉士誰免弔湘魂間世英明主中興道
德尊崑岡憐積火河漢注清源川口隄防決陰車
鬼恠掀重雲開朗照九地雪幽冤我實剛腸者形
甘短褐髡曾經觸蠱尾猶得凭熊軒杜若芳洲翠
巖光釣瀨喧溪山侵越角封壤盡吳根客恨縈春
細鄉愁壓思繁祝堯千萬壽再拜揖餘樽

往年隨故府吳興公夜泊蕪湖口今赴官西
去再宿蕪湖感舊傷懷因成十六韻

南指陵陽路東流似昔年重恩山未答雙鬢雪飄
然數仞慚投跡群公愧拍肩驚駘蒙錦繡塵上浴
潺湲郭隗黃金峻虞卿白璧鮮貔貅環玉帳鸚鵡
破蠻牋極浦沉碑會秋花落帽筵旌旗明迥野冠
珮照神仙籌畫言何補優容道實全謳謠人撲地
雞犬樹連天紫鳳超如電青襟散似煙蒼生未經
濟橫草已芊綿往事唯沙月孤燈但客船峴山雲
影畔棠葉水聲前故國還歸去浮生亦可憐高歌

一曲淚明日夕陽邊

除官歸京睦州雨霽

秋半吳天霽清凝萬里光水聲侵笑語嵐翠撲衣
裳遠樹凝羅帳孤雲認粉囊溪山侵雨越時節到
重陽顧我能甘賤無由得自強悞曾公觸尾不敢
夜循牆豈意籠飛鳥還爲錦帳郎網今開傳燹書
舊識黃香曾在史館四年姹女真虛語饑兒欲一行淺深
須揭厲休更學張綱

新轉南曹未叙朝散初秋暑退出守吳興書
此篇以自見志

捧詔汀洲去全家羽翼飛喜拋新錦帳榮借舊朱
衣且免材爲累何妨拙有機宋株聊自守魯酒怕
旁圍清尚寧無素光陰亦未晞一盃寬幕席五字
弄珠璣越浦黃柑嫩吳溪紫蟹肥平生江海志佩
得左魚歸

華清宮三十韻

繡嶺明珠殿層巒下繚牆仰窺雕檻影猶想赭袍
光昔帝登封後中原自古強一千年際會三萬里
農桑几席延堯舜軒墀立禹湯雷霆馳號令星斗
煥文章釣築乘時用芝蘭在處芳北扉閒木索南

面富循良至道思玄圃平居厭未央鉤陳褻巖谷
文陛壓青蒼歌吹千秋節樓臺八月涼神仙高縹
緲環珮碎丁當泉暖涵窓鏡雲嬌惹粉囊嫩嵐滋
翠葆清渭照紅粧帖泰生靈壽懽娛歲序長月聞
仙曲調霓作舞衣裳雨露偏金穴乾坤入醉鄉許
周云如此天玩兵師漢武迴手倒干將鯨鬣掀東
下焉得不亂海胡牙揭上陽喧呼馬嵬血零落羽林槍傾國留
無路還魂怨有香蜀峰橫慘澹秦樹遠微茫鼎重
山難轉天扶業更昌望賢餘故老花萼舊池塘往
事人誰問幽襟淚獨傷碧簷斜送日殷葉半凋霜

迸水傾瑤砌疎風罅玉房塵埃羯鼓索片段荔枝
筐鳥啄摧寒木蝸涎蠹畫梁孤煙知客恨遙起泰
陵傍

和野人殷潛之題籌筆驛十四韻

三吳裂婺女九錫獄孤兒霸主業未半本朝心是
誰永安宮受詔籌筆驛沉思畫地乾坤在濡毫勝
負知艱難同草創得失計毫釐寂默經千慮分明
渾一期川流縈智思山聳助扶持慷慨匡時畧從
容問罪師褻中秋鼓角涓曲晚旌旗仗義懸無敵
鳴攻固有辭若非天奪去豈復虜能支子夜星纔

落鴻毛鼎便移鄴亭世自換白日事長垂何處躬
耕者猶題殄瘁詩

題永崇西平王宅太尉愬院六韻

天下無雙將關西第一雄授符黃石老學劍白猿
翁矯矯雲長勇恂恂卻縠風家呼小太尉國號大

梁公

太尉季弟司徒德亦封梁國公

半夜龍驤去中原虎穴空隴

山兵十萬嗣子握調弓

今鳳翔李尚書太尉長子

題茶山

在宜興

山實東吳秀茶稱瑞草魁剖符雖俗吏修貢亦仙
才溪盡停蠻棹旗張卓翠苔柳村穿窈窕松澗渡

喧豗等級雲峰峻寬平洞府開拂天聞笑語特地

見樓臺泉嫩黃金湧

山有金沙泉修貢出罷貢卽絕

牙香紫壁裁

拜章期沃日輕騎疾奔雷舞袖嵐侵潤歌聲谷答
迴磬音藏葉鳥雪豔照潭梅好是全家到兼爲奉
詔來樹陰香作帳花徑落成堆景物殘三月登臨
愴一盃重遊難自剋俛首入塵埃

春末題池州美水亭

使君四十四兩佩左銅魚爲吏非爲吏讀書底讀
書晚花紅艷靜高樹綠陰初亭宇清無比溪山盡
不如嘉賓能嘯詠宮妓巧粧梳逐日愁皆碎隨時

醉有餘偃須求五鼎陶祇愛吾廬趣向人皆異賢
豪莫笑渠

朱坡

下杜鄉園古泉聲繞舍啼靜思長慘切薄宦與乖
睽北闕千門外南山午谷西倚川紅葉嶺連寺綠
楊堤迴野翹霜鶴澄潭舞錦鷄濤驚堆萬岫舸急
轉千溪眉點萱牙嫩風條柳幄迷岸藤梢虺尾沙
渚印麕蹄火燎湘桃塢波光碧繡畦日痕絙翠巘
陂影墜晴霓蝸壁爛斑蘚銀筵荳蔻泥洞雲生片
段苔徑繚高低偃蹇松公老森嚴竹陣齊小蓮娃

月
下
系
金
欲語幽筍稚相攜漢館留餘趾周臺接故蹊蟠蛟
崗隱隱班雉草萋萋樹老蘿紆組巖深石啓閨侵
窓紫桂茂拂面翠禽棲有計冠終挂無才筆謾提
自塵何太甚休笑觸藩羝

奉和門下相公送西川相公兼領相印出鎮
全蜀詩十八韻

盛業冠伊唐台階翊戴光無私天雨露有截舜衣
裳蜀輟新衡鏡池留舊鳳凰同心真石友寫恨箋
河梁虎騎搖風旆貂冠韻水蒼彤弓隨武庫金印
逐文房棧壓嘉陵咽峰橫劍閣長前驅二星去開

險五丁忙迴首崢嶸盡連天草樹芳丹心懸魏闕
往事愴甘棠治化輕諸葛威聲懾夜郎君平教說
卦夫子召升堂塞接西山雪橋維萬里檣奪霞紅
錦爛撲地酒爐香忝逐三千客曾依數仞牆滯頑
堪白屋攀附亦同行肉管伶倫曲簫韶清廟章唱
高知和寡小子斐然狂

夏州崔常侍自少常亞列出領麾幢十韻

帝命詩書將登壇禮樂卿三邊要高枕萬里得長
城對客猶褰博填門已旆旌腰間五綬貴天下一
家榮野水差新燕芳郊曄夏鷲別風嘶玉勒殘日

望金莖榆塞孤煙媚銀川綠草明戈矛虓虎士弓
箭落鵬兵魏絳言堪採陳湯事偶成若須垂竹帛
靜勝是功名

春日言懷寄虢州李常侍十韻

岸蘚生紅藥巖泉漲碧塘地分蓮嶽秀草接鼎原
芳南派滾滌急風畦芷若香纖蓬眠舴艋驚夢起
鴛鴦論吐開冰室詩陳曝錦張貂簪荆玉潤丹穴
鳳毛光子弟新登甲科今日還珠守何年執戟郎且嫌遊
晝短莫問積薪長無計披清裁唯持祝壽觴願公
如衛武百歲尚康強

早春寄岳州李使君李善基愛酒倩地閒雅
城高倚峭巘地勝足樓臺朔漠暖鴻去瀟湘春水
來縈盈幾多思掩抑若爲裁返照三聲角寒香一
樹梅烏林芳草遠赤壁健帆開往事空遺恨東流
豈不迴分符潁川政弔屈洛陽才拂匣調珠柱磨
鉛勘玉杯基翻小窟勢壚撥凍醪詩云爲此春
酒以介眉壽
注云此興予非薄何時得奉陪

寄內兄和州崔員外十二韻

歷陽崔太守何日不含情恩義同鍾李

李膺鍾繇
中外兄弟

少相
善友

墳簾實弟兄光塵能混合擘畫最分明臺閣

仁賢譽閨門孝友聲西方像教毀南海繡衣行

爲嶺

南圻寺副使

金橐寧迴顧珠簾肯一棖祇宜裁密詔何

自取專城進退無非道徊翔必有名好風初婉軟
離思苦縈盈金馬舊遊貴桐廬春水生雨侵寒牖
夢梅引凍膠傾共祝中興主高歌唱太平

許七侍御棄官東歸瀟灑江南頗聞自適高
秋企望題詩寄贈十韻

天子繡衣吏東吳美退居有園同庾信避事學相
如蘭畹晴香嫩筠溪翠影疎江山九秋後風月六
朝餘錦肆開詩軸青囊結道書霜巖紅薜荔露沼

白芙渠睡雨高梧密綦燈小閣虛凍醪元亮秣寒
鱸季鷹魚塵意述今古雲情識卷舒他年雪中棹
陽羨訪吾廬

余義興縣
近有水榭

爲人題贈二首

我乏青雲稱君無買笑金虛傳南國貌爭奈五陵
心桂席塵瑤珮瓊鑪爐水沉凝魂空薦夢低耳悔
聽琴月落珠簾卷春寒錦幕深誰家樓上笛何處
月明砧蘭徑飛蝴蝶筠籠語翠襟和簪拋鳳髻將
淚入鸞衾的的新添恨迢迢絕好音文園終病渴
休詠白頭吟

綠樹鶯鶯語平江燕燕飛枕前聞去鴈樓上送春
歸半月絙雙臉凝腰素一圍西牆苔漠漠南浦夢
依依有恨簪花懶無聊闌草稀雕籠長慘澹蘭畹
謾芳菲鏡斂青蛾黛燈挑皓腕肥避人勻迸淚拖
袖倚殘暉有貌雖桃李單棲足是非雲輶載馭去
寒夜看裁衣

贈沈學士張歌人

拖袖事當年卽教唱客前斷時輕裂玉收處遠綠
煙孤直絙雲定光明滴水圓泥去聲情遲急管流恨
咽長絃吳苑春風起河橋酒旆懸憑君更一醉家

在杜陵邊

簾

徒云逢翦削豈謂見偏裝
鳳節輕雕日鸞花薄飾
香問屏何屈曲憐帳解周防
下漬金階露斜分碧
瓦霜沉沉伴春夢寂寂
侍華堂誰見昭陽殿真珠
十二行

題吳興消暑樓十二韻

以下續補

晴日登攀好危樓物象饒
一溪通四境萬岫遶層
霄鳥翼舒華屋魚鱗掉短橈
浪花機乍織雲葉匠
新雕臺榭羅嘉卉城池
澈麗譙蟾蜍來作鑑
蟬螭

引成橋燕任隨秋葉人空集早潮楚鴻行盡直沙
鷺立偏翹暮角淒遊旅清歌慘次寥景牽遊目困
愁託酒腸銷遠吹流松韻殘陽渡柳橋時陪庾公
賞還悟脫煩囂

牧陪昭應盧郎中在江西宣州佐今吏部沈
公幕罷府周歲公宰昭應牧在淮南廩職叙
舊成二十韻用以投寄

燕鴈下揚州涼風柳陌愁可憐千里夢還是一年
秋宛水環朱檻章江敞碧流謬陪吾益友祇事我
賢侯印組紫光馬鋒鐔看解牛井間安樂易冠蓋

慙依投政簡稀開閣功成每運籌送春經野塢遲
日上高樓玉裂歌聲斷霞飄舞帶收泥情斜拂印
別臉小低頭日晚花枝爛釭凝粉彩稠未曾孤醉
酖剩肯隻淹留重德俄徵寵諸生苦宦遊分途之
絕國灑淚拜行旆聚散真漂梗光陰極轉郵銘心
徒歷歷屈指盡悠悠君作烹鮮用誰膺仄席求卷
懷能憤悱卒歲且優游去矣時難遇沽哉價莫酬
滿枝爲鼓吹衷甲避戈矛隋帝宮荒草秦王土一
丘相逢好大笑除此總雲浮

送牛相出鎮襄州

盛時常注意南雍暫分茅紫殿辭明主巖廊別舊
交危幢侵碧霧寒旆獵紅旂德業懸秦鏡威聲隱
楚郊拜塵先灑淚成厦昔容巢遙抑沉碑會鴛鴦
玉佩敲

奉送中丞姊夫儔自大理卿出鎮江西叙事
書懷因成十二韻

惟帝憂南紀搜賢與大藩梅仙調步驟庾亮拂檠
韃一室何勞掃三章自不寃精明如定國孤峻似
陳蕃灞岸秋猶嫩藍橋水始喧紅旂里石壁黑稍
斷雲根滕閣丹霄倚章江碧玉奔一聲仙妓唱千

里暮江痕私好初童稚官榮見子孫流年休挂念
萬事至無言玉輦君頻過馮唐將未論傭書醺萬
債竹塢問樊村

代人作

樓高春日早屏束麝煙堆盼眄凝魂別依稀夢雨
來綠鬟羞妥麼紅頰思天偎鬪草憐香蕙簪花間
雪梅戍遼雖咽切遊蜀亦遲迴錦字梭懸壁琴心
月滿臺笑筵凝貝啟眠箔曉珠開臘破征車動袍
襟對淚裁

和裴傑秀才新櫻桃

新果真瓊液人應宴紫蘭圓疑竊龍頷色已奪雞
冠遠火微微辨繁星歷歷看茂先知味好曼倩恨
偷難忍用烹騁酪從將翫玉盤流年如可駐何必
九華丹

戊籤一杜牧之六

唐音統籤卷

五百五十八

七言律詩一

正集

長安雜題長句六首

觚稜金碧照山高萬國珪璋捧赭袍
舐筆和鉛欺賈馬讚功論道鄙蕭曹
東南樓日珠簾捲西北天宛玉卮豪
詩曰簾革金卮蓋小環四海一家無一事將軍攜鏡泣霜毛

晴雲似絮惹低空紫陌微微弄袖風
韓嫣金丸莎

覆綠許公羈汗杏粘紅

北史宇文述封許國公製馬羈於後角上缺方三寸

以露白色時謂許公勢

煙生窈窕

一作

深東第輪撼流蘇下

北宮自笑苦無樓護智可憐鉛槧竟何功

雨晴九陌鋪江練嵐嶽千峰疊海濤南苑草芳眠
錦雉夾城雲暖下霓旄少年羈絡青紋玉遊女花
簪紫帶桃江碧柳深人盡醉一瓢顏巷日空高
束帶謬趨文石陛有章曾拜皂囊封期嚴無奈睡
留癖勢窘猶爲酒泥慵偷釣侯家池上雨醉吟隋
寺日沉鐘九原可作吾誰與師友瑯琊邨曼容
洪河清渭天池漈太白終南地軸橫祥雲輝映漢
宮紫春光繡畫秦川明草妬佳人鈿朶色風迴公
子玉銜聲六飛南幸芙蓉苑十里飄香入夾城

豐貂長組金張輩駟馬文衣許史家白鹿原頭迴
獵騎紫雲樓下醉江花九重樹影連清漢萬壽山
光學翠華誰識大君謙讓德聖上不一毫名利闕
壺墓

街西長句

碧池新漲浴嬌鴉分鑠長安富貴家遊騎偶同人
鬪酒名園相倚杏交花銀鞦騾裊嘶宛馬繡鞅
瓏走鈿車一曲將軍何處笛連雲芳樹日初斜

洛陽長句二首

草色人心相與閒是非名利有無間橋橫落照虹

堪盡樹鏤千門鳥自還芝蓋不來雲杳杳仙舟何
處水潺潺君王謙讓泥金事蒼翠空高萬歲山
天漢東穿白玉京日華浮動翠光生橋邊遊女珮
環委波底上陽金碧明月鏤名園孤鶴唳川酣秋
夢鑿龍聲連昌繡嶺行宮在玉輦何時父老迎

故洛陽城有感

一片宮牆當道危行人爲汝去遲遲
簾圭苑裏秋風後平樂館前斜日時
銅鞮豈能留漢鼎清談空解識胡兒
千燒萬戰坤靈歿慘慘終年鳥雀悲

懷鍾陵舊遊四首

一詔征南最少年
虞卿雙壁截肪鮮
歌謠千里春
長暖絲管高臺月
正圓玉帳軍籌羅
俊彥絳帷環
珮立神仙陸公餘
德機雲在如我酬
恩合執鞭
滕閣中春綺席開
柘枝蠻鼓殷晴雷
垂樓萬幕青
雲合破浪千帆陣
馬來未掘雙龍牛
斗氣高懸一
榻棟梁材連巴控
越知何有珠翠沉
檀處處堆
十頃平湖堤柳合
岸秋蘭芷綠纖纖
一聲明月采
蓮女四面朱樓卷
畫簾白鷺煙分光
的的微漣風
定翠沾沾斜暉更
落西山影千步虹
橋氣象兼
控壓平江十萬家
秋來江靜鏡新磨
城頭晚鼓雷

建後橋上遊人笑語多
日落汀痕千里色
月當樓午一聲歌
昔年行樂穠桃畔
醉與龍沙揀蜀羅

潤州二首

句吳亭東千里秋
放歌曾作昔年遊
青苔寺裏無馬跡
綠水橋邊多酒樓
大抵南朝皆曠達
可憐東晉最風流
月明更想桓伊在
一笛聞吹出塞愁

謝朓詩中佳麗地
夫差傳裏水犀軍
城高鐵甕橫

强弩

潤州城孫權築號爲鉄甕

柳暗朱樓多夢雲
盡角愛飄江

北去釣歌長向月中聞
揚州塵土試迴首
不惜千金借與君

自宣城赴官上京

瀟灑江湖十過秋，酒盃無日不遲留。
謝公城畔溪驚夢，蘇小門前柳拂頭。
千里雲山何處好，幾人襟韻一生休。
塵冠挂却知閒事，終把蹉跎訪舊遊。

卽事黃州作

因思上黨三年戰，閒詠周公七月詩。
竹帛未聞書亥節，丹青空見畫靈旗。
蕭條井邑如魚尾，早晚干戈識虎皮。
莫笑一麾東下計，滿江秋浪碧參差。

齊安郡晚秋

柳岸風來影漸疎，使君家似野人居。
雲容水態還

堪賞嘯志歌懷亦自如雨暗殘燈棊欲散酒醒孤
枕鴈來初可憐赤壁爭雄渡唯有簑翁坐釣魚

九日齊安登高

江涵秋影鴈初飛與客攜壺上翠微塵世難逢開
口笑菊花須插滿頭歸但將酩酊酬佳節不用登
臨恨落暉古往今來只如此牛山何必獨霑衣

西江懷古

上吞巴漢控瀟湘怒似連山淨鏡光魏帝縫囊真
戲劇符堅投箸更荒唐千秋釣舸歌明月萬里沙
鷗弄夕陽范蠡清塵何寂寞好風唯屬往來商

劉禹

錫月夜歌謠有漁父風天
氣色屬商人與此正類

八月十二日得替後移居雪溪館因題長句

四韻

萬家相慶喜秋成處處樓臺歌板聲
千歲鶴歸猶有恨一年人住豈無情
夜涼溪館留僧話風定蘇潭看月生
景物登臨開始見願爲閒客此間行

商山麻澗

雲光嵐彩四面合柔柔垂柳十餘家
雉飛鹿過芳草遠牛巷雞啼春日斜
秀眉老父對罇酒舊袖女兒簪野花
征車自念塵土計惆悵溪邊書細沙

商山富水驛

驛本名與陽諫議同姓
名因此改爲富水驛

益戇猶來未覺賢終須南去弔湘川當時物議朱
雲小後代聲華白日懸邪佞每思當面唾清貧長
欠一盃錢驛名不合輕移改留警朝天者惕然

詠歌聖德遠懷天寶因題關亭長句四韻

聖敬文思業太平海寰天下唱歌行秋來氣勢洪
河壯霜後精神泰華惇廣德有強朝萬國用賢無
敵是長城君王若悟治皮論安史何人敢弄兵

題武關

碧溪留我武關東一笑懷王跡自窮鄭袖嬌嬈醜

似醉屈原憔悴去如蓬山牆谷塹依然在弱吐強
吞盡已空今日聖神家四海戍旗長卷夕陽中

題青雲館

虬蟠千仞劇羊腸天府由來百二強四皓有芝輕
漢祖張儀無地與懷王雲連帳影蘿陰合枕遶泉
聲客夢涼深處會容高尚者水苗三頃百株桑

題宣州開元寺水閣閣下宛溪夾溪居人

六朝文物草連空天澹雲閒今古同鳥去鳥來山
色裏人歌人哭水聲中深秋簾幕千家雨落日樓
臺一笛風

冷齋夜話看似秀
整熱視無神氣

惆悵無因見范蠡參

差烟樹五湖東

寄題甘露寺北軒

曾向蓬萊宮裏行
北軒欄檻最留情
孤高堪弄桓伊笛
縹緲宜聞子晉笙
天接海門秋水色
煙籠隋苑暮鐘聲
他年會着荷衣去
不向山僧道姓名

河湟

元載相公曾借箸
憲宗皇帝亦留神
旋見衣冠就東市
忽遺弓劍不西巡
牧羊驅馬雖戎服
白髮丹心盡漢臣
唯有涼州歌舞曲
流傳天下樂閑人

今皇帝陛下
一詔徵兵
不日功集
河湟諸郡

次第歸降臣獲覩聖功輒獻歌詠

捷書皆應虜謀期十萬曾無一鏃遺漢武慚誇朔
方地宣王休道太原師威加塞外寒來早恩入河
源凍合遲聽取滿城歌舞曲涼州聲韻喜參差

奉和白相公聖德和平致茲休運歲終功就
合詠盛明呈上三相公長句四韻

行看臘破好年光萬壽南山對未央黷戾可汗修
職貢文思天子復河湟應須日御西巡狩不假星
弧北射狼吉甫裁詩歌盛業一篇江漢羨宣王

正初酬歙州刺史邢群

翠巖千尺倚溪斜曾得巖光作釣家越嶂遠分丁
字水臘梅遲見二年花明時刀尺君須用幽處田
園我有涯一壑風煙陽羨里解龜休去路非賒

酬張祐處士見寄長句四韻

七子論詩誰似公曹劉須在指揮中薦衡昔日知
文舉令狐相公曾表薦處士乞火無人作蒯通北極樓臺長

掛夢西江波浪遠吞空可憐故國三千里虛唱歌

詞滿六宮

處士詩曰故國三千里深宮二
十年一聲河滿子雙淚落君前

道一大尹存之庭美二學士簡于聖明自致

霄漢皆與舍弟昔年還往牧支離窮悴竊於

一麾書美歌詩兼自言志因成長句四韻呈

上三君子

九金神鼎重丘山五玉諸侯雜珮環星座通霄狼

鬣暗成樓吹笛

一作角

虎牙閒斗間紫氣龍埋獄天

上洪爐帝鑄顏若念西河舊交友魚符應許出函

關

李侍郎於陽羨里富有泉石牧亦於陽羨粗

有薄產叙舊述懷因獻長句四韻

冥鴻不下非無意塞馬歸來是偶然紫綬公卿今

放曠白頭郎吏尚留連終南山下拋泉洞陽羨溪

中買釣船欲與明公操履杖願聞休去是何年

贈李處士長句四韻

玉函恠牒鎖靈篆紫洞香風吹碧桃老翁四目牙

爪利擲火萬里精神高

芥隱筆記天蓬呪有蒼舌綠齒四目老翁度人經有

擲火萬里流鈴八衝諸語牧蓋用此

靄靄祥雲隨步武纍纍秋冢歎

蓬蒿三山朝去應非久姹女當窓繡羽袍

李給事中敏二首

其二 五言

一章緘拜卑囊中慄慄朝廷有古風元禮去歸綏

氏學

自注云李膺退罷歸綏氏教授生徒給事論鄭注告滿歸潁陽

江克來見犬

臺宮

自注云鄭注對於洛室

紛紛白晝驚千古鉄鑽朱殷幾

一空曲突徙薪人不會海邊今作釣魚翁

晚髮悶還梳憶君秋醉餘可憐劉校尉曾訟石中

書

自注云給事因忤仇軍容棄官東歸

消長雖殊事仁賢每見如因

看魯褒論何處是吾廬

按李中敏傳云中敏與杜牧李甘善文辭氣節相上

下太和中鄭注誣逐宰相宋申錫中敏嘗因旱請斬注申錫之寃帝不省遂以病告歸注誅中敏起遷給事其後仇士良以開府陰其子中敏曰內謁者安得有子士良慙恚由是復弃官去又按李膺事載後漢書本傳乃綸氏也牧之誤爲緄氏

湖南正初招李郢秀才

行樂及時時已晚對酒當歌歌不成千里暮山重
疊翠一溪寒水淺深清高人以飲爲忙事浮世除

詩盡強名看看白蘋芽欲吐雪舟相訪勝閒行

書懷寄中朝往還

平生自許少塵埃爲吏塵中勢自迴朱紱久慚官
借與白頭還歎老將來須知世路難輕進豈是君
門不大開霄漢幾多同學伴可憐頭角盡卿材

寄宣州鄭諫議

大夫官重醉江東瀟灑名儒振古風文石陛前辭
聖主碧雲天外作冥鴻五言寧謝顏光祿百歲須
齊衛武公再拜宜同丈人行過庭交分有無同

寄李起居四韻

楚女梅簪白雪姿
前溪碧水凍醪時
雲疊心凸知
難捧鳳管簧寒不受吹
南國劍眸能盼眄
侍臣香袖愛傲垂
自憐窮律窮途客
正劫孤燈一局碁

寄浙東韓八評事

一笑五雲溪上舟
跳丸日月十經秋
髣髴衰酒減欲
誰泥跡辱魂慚好
自尤夢寐幾迴迷
蛺蝶文章應
解伴牢愁
無窮塵土無聊事
不得清言解不休

初春雨中舟次和州橫江裴使君見迎李趙
二秀才同來因書四韻兼寄江南許渾先輩

芳草渡頭微雨時
萬株楊柳拂波垂
蒲根水暖鴈

初浴梅徑香寒峰未知辭客倚風吟暗淡使君廻
馬濕旌旗江南仲蔚多情調悵望春陰幾首詩

登池州九峰樓寄張祜

百感中來不自由角聲孤起夕陽樓碧山終日思
無盡芳草何年恨卽一作始休曉在眼前猶一作長不

見道非身外更何求誰人得似張公子千首詩輕
萬戶侯

洛中監察病假滿送韋楚老拾遺歸朝

洛橋風暖細翻衣春引仙官去玉墀獨鶴初冲太
虛日九牛新落一毛時行開教化期君是卧病神

祇禱我知十載丈夫堪耻處朱雲猶掉直言旗

宣州送裴坦判官往舒州時牧欲赴官歸京
日暖泥融雪半銷行人芳草馬聲驕九華山路雲
邊寺清弋江村柳拂橋君意如鴻高的的我心懸
旆正搖搖回來不得同歸去故國逢春一寂寥

送劉秀才歸江陵

綵服鮮華覲渚宮鱸魚新熟別江東劉郎浦夜侵
船月宋玉亭春美一作滿袖風落落精神終有立飄
飄才思杳無窮誰人世上爲金口借取明時一薦
雄

送國基王逢

王子紋楸一路饒最宜簷雨竹蕭蕭羸形暗去春

泉長拔

一作猛

勢橫來野火燒守道還如周柱史鑒

兵不羨霍嫖姚得年七十更萬日與子期于局上
銷

見劉秀才與池州妓別

遠風南浦萬重波未似生離恨別多楚管能吹柳
花怨吳姬爭唱竹枝歌金釵橫處綠雲墮玉筍凝
時紅粉和待得枚臯相見日自應粧鏡笑蹉跎

柳長句

日落水流西復東春光不盡柳何窮巫娥廟裏低
含雨宋玉宅前斜帶風莫將榆莢共爭翠深感杏
花相映紅灞上漢南千萬樹幾人遊宦別離中

早鴈

金河秋半虜弦開雲外驚飛四散哀仙掌月明孤
影過長門燈暗數聲來須知胡騎紛紛在豈逐春
風一一迴莫厭瀟湘少人處水多菰米岸莓苔

寄澧州張舍人笛

髮勻肉好生春嶺截玉鑽星寄使君檀的染時痕
半月落梅飄處響穿雲樓中威鳳傾冠聽沙上驚

鴻掠水分遙想紫泥封詔罷夜深應隔禁牆聞
聞慶州趙縱使君與党項戰中箭身歿長句
將軍獨乘鐵驄馬榆溪戰中金僕姑歿綏却是古
來有驍將自驚今日無青史文章爭點筆朱門歌
舞笑捐軀誰知我亦輕生者不得君王丈二戈

池州李使君沒後十一日處州新命始到後
見歸妓感而成詩

縉雲新命詔初行纔是孤魂壽耨成黃壤不知新
雨露粉書空換舊銘旌巨卿哭處雲空斷阿鷺歸
來月正明多少四年遺愛事鄉閭生子李爲名

卷終